

Građani nude vlastita rješenja

Vrijedi izgovorena riječ

**Obraćanje visokog predstavnika Valentina Inzka
na svečanoj akademiji Evropskog pokreta u Bosni i Hercegovini
Sarajevo, 7. maja 2014. godine**

Dame i gospodo,

Politički pejsaž u Bosni i Hercegovini promijenjen je od kada smo posljednji put slavili Dan Evrope. Civilno društvo u ovoj zemlji pronalazi svoj glas i on će se sigurno čuti zajedno s glasom Evropskog pokreta – organizacije koja je pionir u uključivanju zajednica u forum javne debate, uključujući i zajednice koje nisu iz glavnih gradova.

Vi ste informirali ljude i doveli ste do aktivnog odgovora građana koji u većini slučajeva možda nisu politički angažirani i koji možda iz novina i s televizije ne dobijaju kompletnu sliku procesa evropskih integracija.

Vi ste radili efikasno i energično na njegovanju razumijevanja evropskih integracija na nivou baze – šta te integracije znače i kako one mogu transformirati ovu zemlju – i čineći to, vi ste unaprijedili podršku naroda ovom procesu.

Ovaj proces je, kao što znamo, u posljednjih dvanaest mjeseci naišao na političke prepreke. Međunarodni partneri su sa stranačkim liderima u BiH nastojali postići dogovor kojim bi se uklonile te prepreke, ali do tog sporazuma ipak nije došlo.

S druge strane, obični građani su se okupili, bez obzira na političke, geografske i granice između zajednica, da ponude kreativna i dinamična rješenja na neke od izazova s kojima se ova zemlja suočava.

Proslavljajući Dan Evrope ove godine, uvjeren sam da svjedočimo stvaranju jedne nove političke i socijalne paradigme u Bosni i Hercegovini. U ovoj novoj paradigmi građani preuzimaju inicijativu, a politički lideri će morati da ih slijede.

Ovo istinski odražava demokratske principe Evropske unije:

- gdje policija i sudovi rade na zaštiti građana, a ne na njihovom zastrašivanju.
- gdje birokratija radi na pružanju usluga građanima, a ne na njihovom maltretiranju.
- gdje građani imaju potpun i slobodan pristup medijima, uključujući i nove i dinamične online medije, koji lidere pozivaju da preuzmu odgovornost za svoje djelovanje.

Živimo u vremenima prepunim izazova i lako je biti obeshrabren. Međutim, uvjeren sam da smo, dugoročno gledano, na pragu promjene koja može gurnuti u stranu prepreke koje onemogućavaju napredak.

Želio bih čestitati Evropskom pokretu na naporima da poruku evropskih integracija donesu u sve dijelove Bosne i Hercegovine, naglašavajući osnovnu i bitnu činjenicu da građani ove zemlje imaju ista prava na prosperitetnu i sigurnu budućnost kao i građani u svim drugim dijelovima Evrope.

Četiri miliona građana Bosne i Hercegovine će osjetiti prednosti, i to ogromne prednosti, kada evropska perspektiva prestane biti težnja, a postane stvarnost. Ukoliko bosanskohercegovački političari ne mogu osigurati integraciju u Evropu, onda će je osigurati građani.

Hvala.